



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Svmma Totivs Theologiae S. Thomae Aqvinatis, Doctoris Angelici Ordinis Prædicatorum**

Secvndæ Secvndæ Partis Volumen Tertium

**Thomas <von Aquin, Heiliger>**

**Romae, 1619**

Vtrum vita contemplatiua consistat solum in vno actu, aut in pluribus? 3

**urn:nbn:de:hbz:466:1-38803**

illud Isai. 32. Opus iustitiæ pax: in quantum scilicet ille qui ab iniurijs aliorum abstinere, subtrahit litigiorum & tumultuum occasiones. Et sic virtutes morales disponunt ad vitam contemplatiuam, in quantum causant pacem & mundiciam.

Ad tertium dicendum, quod pulchritudo (sicut supra dictum est) consistit in quadam claritate & debita proportione. Vtrumque autem horum radicaliter in ratione inuenitur: ad quam pertinet & lumen manifestans, & proportionem debitam in alijs ordinare. Et ideo in vita contemplatiua, quæ consistit in actu rationis, per se & essentialiter inuenitur pulchritudo. Vnde Sap. 8. de contemplatione sapientiæ dicitur, Amator factus sum formæ illius. In virtutibus autem moralibus inuenitur pulchritudo participatiue, in quantum scilicet participat ordinem rationis: & præcipue in temperantia, quæ reprimit concupiscentias maximè lumen rationis obscurantes. Et inde est quod virtus castitatis maximè reddit hominem aptum ad contemplationem, in quantum delectationes venereæ maximè deprimunt mentem ad sensibilia: vt August. dicit \* in lib. Soliloquiorum.

ARTIC. III.

Vtrum ad vitam contemplatiuam pertineant diuersi actus?

Ad tertium sic proceditur. Videtur, quod ad vitam contemplatiuam pertineant diuersi actus. Ricardus enim \* de sancto Victore distinguit inter contemplationem, meditationem, & cogitationem. Sed omnia ista videntur ad vitam contemplatiuam pertinere. Ergo videtur quod vitæ contemplatiuæ sint diuersi actus.

¶ 2 Præterea, Apostolus secundæ ad Corinth. 3. dicit, Nos verò reuelata facie gloriam Domini speculantes, transformamur in eandem claritatem. Sed hoc pertinet ad vitam contemplatiuam. Ergo præter ista prædicta etiam speculatio ad vitam contemplatiuam pertinet.

¶ 3 Præ-

9. 145. a. 2.

l. 1. c. 10. ante me. 10. 1.

850  
3. d. 35.  
9. 1. ar. 2.  
Et 4. d. 5.  
9. 4. a. 2.  
9. 1. ad 2.  
\* in l. de contemplatione, c. 2.

*l. 5. de Cō-  
sue. in fi-  
llius.  
¶ 2. c. 15*

¶ 3 Præterea, Bernar. dicit in lib. de consideratio-  
ne \*, quod prima & maxima contemplatio est admiratio  
maiestatis. Sed admiratio secundum Damasc. ponitur  
species timoris. Ergo videtur quod plures actus  
ad vitam contemplatiuam requirantur.

¶ 4 Præterea, Ad vitam contemplatiuam pertine-  
re dicuntur oratio, lectio, & meditatio: pertinet etiam  
ad vitam contemplatiuam auditus. Nam de blacio, per  
quam vita contemplatiua significatur, dicitur Luc. 10.  
quod sedens secus pedes Domini; audiebat verba illius.  
Ergo videtur quod plures actus ad vitam contem-  
platiuam requirantur.

S E D contra est, quod vita hic dicitur operatio  
cui homo principaliter intendit. Si ergo plures sint  
operationes vitæ contemplatiuæ, non erit vna vita  
contemplatiua, sed plures.

*c. 7. inter  
princ. &  
med.*

R E S P O N D E O dicendum, quod de vita con-  
templatiua nunc loquimur, secundum quod ad hominem  
pertinet. Hæc autem differentia est inter hominem &  
angelum, ut patet per Dion. 7. cap. de diu. nom. \* quod  
angelus simplici apprehensione veritatem intuetur:  
homo autem quodam processu ex multis peruenit ad  
intuitum simplicis veritatis. Sic ergo contemplatiua  
vita vnum quidē actum habet, in quo finaliter perue-  
nitur, scilicet contemplationē veritatis, à quo habet  
nomen. Habet autem multos actus, quibus peruenit  
ad hunc actum finalem: quorum quidam pertinent ad  
receptionem principiorum, ex quibus procedit ad  
contemplationem veritatis. Alij autem pertinent ad  
reductionem principiorum in veritatem eius, cuius  
cognitio inquitur. Vltimus autem completiuus actus  
ipsa contemplatio veritatis.

*l. 1. de cō-  
templ. c.  
4. c. 1. p. 1.*

Ad primum ergo dicendum, quod cogitatio  
dum Ricar. de sancto victore \*, videtur pertinere ad  
multorum inspectionē, ex quibus aliquis colligit  
tendit vnam simplicem veritatem. Vnde sub cogitatio-  
ne comprehendi possunt & perceptiones sensuum ad  
cognoscendum aliquos effectus, & imaginationes, &  
c.

discursus rationis circa diuersa signa, vel quæcumque  
perducentia in cognitionem veritatis intentæ. Quam-  
uis secundum Aug. 14. de Trin. † cogitatio dici possit  
omnis actualis operatio intellectus. Meditatio verò  
pertinere videtur ad processum rationis ex principijs  
aliquibus pertingentibus ad veritatis alicuius contem-  
plationem. Et ad idem pertinet consideratio, secundum  
Bernar. \* Quamuis secundum Philos. in 3. de Anima,  
omnis operatio intellectus, consideratio dicatur. Sed  
contemplatio pertinet ad ipsum simplicem intuitum  
veritatis. Vnde idem Ricard. dicit †, quòd contempla-  
tio est perspicax & liber contuitus animi in res perspi-  
cendas. Meditatio autem est intuitus animi in verita-  
tis inquisitione occupatus. Cogitatio autem est animi  
respectus ad euagationem pronus.

Ad secundum dicendum, quòd speculatio, vt glossa  
Aug. \* dicit ibidem, dicitur à speculo, non à specula.  
Videre autem aliquid per speculum, est videre cau-  
sam per effectum, in quo eius similitudo relucet: vnde  
speculatio ad meditationem reduci videtur.

Ad tertium dicendum, quòd admiratio est species  
timoris, consequens apprehensionem alicuius rei exce-  
dentis nostram facultatem. Vnde admiratio est actus  
consequens contemplationem sublimis veritatis. Dicitur  
enim \*, quòd contemplatio in affectu terminatur.

Ad quartum dicendum, quòd homo ad cognitionem  
veritatis pertingit dupliciter. Vno modo, per ea quæ  
à Deo accipit, necessaria est oratio: secundum il-  
lud Sap. 7. Inuocaui, & venit in me spiritus sapientiæ.  
Quantum verò ad ea quæ accipit ab homine, necessa-  
rius est auditus, secundum quòd accipit ex vo-  
centis: & lectio, secundum quòd accipit ex eo  
quod per Scripturam est traditum. Alio modo, neces-  
sarium est quòd adhibeat proprium studium: & sic  
requiritur meditatio.

l 14. c. 7.  
a me. 8. 3.

loc. cit in  
arg. 3.

loc. cit in  
arg. 1.

Est Aug.  
in li. 15.  
de Trin.  
c. 8. 10. 3.

ar. 2. h. u.  
ius 9.

